



Aqqa Samuelsen
Inatsisartuni ilaasortaq
Inuit Ataqatigiit
Maani/

§ 37 naapertorlugu apeqquteqaammut nr. 2019_277-imut Naternami umim-maliisoqarneq aamma umimmaat kisinneqarnissaat pillugu akissuteqaat

Inatsisartut suleriaasissaanni § 37-mi imm. 1 naapertorlugu Naternami umim-maliisoqarneq aamma umimmaat kisinneqarnissaat pillugu Naalakkersuisunut apeqquteqarputit. Apeqqutit uvanga susassaqaarfinit akineqartussanngorlugit innersuun-neqarput.

Ulloq: 08-08-2019
Suliap normua: 2019 - 17524
Dok normu: 43406032
Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Apeqquteqaat 1. 1993-mi Naternami umimmaliisoqarnissaanut kommunit sorliit aningaasaleeqataasimanersut Naalakkersuisut ilisimasaqarfigivaat?

Akissut:

Naternami 1993-mi umimmaliisoqarmat, taamani kommundusimasut Kangaatsiap Kommunia, Asiaat Kommuniat aamma Qasigiannugit Kommuniat aningaasaliipput.

Apeqquteqaat 2. 1993-mi Naternami umimmaliisoqarnerata kingorna kisitsinerit ingerlanneqartarsimappat?

Akissut

Pinngortitaleriffimmiit nalunaarutigineqarpoq Naternami 2004-mi umimmannik kisitsoqarsimasoq, umimmaallu minnerpaamik 112-nik amerlassusilerneqarsimasut

Apeqquteqaat 3. Ukioq 2022 sioqqullugu Naternami umimmaat kisinneqarnissaannut Naalakkersuisut pilersaaruteqarpat?

Akissut

Umimmannik kisitsisarnerit pillugit pingaarnersiunerit Pinngortitaleriffiup siulersuisuanit aalajangersarneqartarput. taamaammatt Naalakkersuisut Naternami umimmaat kisinneqarnissaannut pilersaaruteqanngillat. Umimmaqatigiillu ikinnerusut kisinneqassappata piniarnermut nakkutilliisunit ingerlanneqarsinnaavoq, taamaalilltik ikinnerpaaffilerneqarsinnaallutik. Taamatut kisitsinerit ingerlanneqarsinnaapput, piffimmi kisitsivissap pilersaarusioneratigut, kiisalu immikkut aningaasaliisoqarneratigut.

Apeqquteqaat 4. Ukioq 2022 sioqqullugu Naternami umimmaat kisinneqassappata tamanna pissutissaqarluartutut Naalakkersuisut isumaqarfigivaat?

Akissut

Naalakkersuisut ukioq 2022 sioqqullugu kisitsinissamik pilersaaruteqanngillat, kiisalu apeqqut 3-mut akissut takuuk.

Apeqquteqaat 5. Naternami umimmaat kisinneqassappata nunatta karsianut qanoq

aningaasartuuteqartoqassava?

akissut

Naalackersuisut Naternami umimmaat kisinneqarnissaannut pilersaaruteqanngillat kisianni allatut piffimmi oqartussat kisitsinissamik pilersaaruteqassata, kommunimi pilersaaruteqarfiusumi kommunip nammineerlutik aningaasaliisariaqassapput.

Inussiarnersumik inuulluaqqusillunga

Jens Immanuelson

Aalisarnermut, Piniarnermut Nunalerinermullu Naalackersuisoq